

四庫全書

子部

欽定四庫全書

子部

武經總要前集卷十六上

詳校官中書臣閔思毅

編修臣倉聖脈覆勘

總校官知縣臣繆琪

校對官中書臣牛稔文

謄錄監生臣劉禮

欽定四庫全書

武經總要前集卷十六上

宋

曾公亮等

撰

邊防

河北路

定州路

高陽關路

真定府路

河北路

河北禹貢冀州之域天文畢昴之分春秋趙魏悉居其境言星者十二分野災異可以參驗

他路放此

古之障塞以

盧龍山鎮為限五代以來陷于北土今定州至西山滄州距東海地方千里無險阻可恃本朝定州真定府高陽關皆屯重兵離為三路脩蒲陰為祁州則高陽關會兵之路由井陘至常山則河東道進師之所滄州至海口百六十里即平州界至淳化後順安軍東有塘水隔限敵騎莫州屯步兵以護隄道保州一路平川曠野利敵騎馳突置沿邊巡徼兵北平路置兵馬一司斷西山之路登州隸京東海路抵女真契丹界置水師隸巡檢

司全魏之地河朔根本內則屏蔽王畿外張三路之援
又置北京路兵官屬內地後不錄令保邊砦咸以兵馬為務亦
罕任文吏防秋捍寇為他路之劇其有戰守之策塘水
之利悉論次于後

定州路

定州中山郡冀州之域戰國為中山國地平近邊西北
捍奚契丹東至瀛州二百八十里東北至保定一
百二十里南至真定府一百二十里北至長城口

一百六十里至蔚州四百九十里西南至藁城路
至趙州百九十里東南至深州百七十里東北至
莫州二百五十里本朝廣屯重兵為邊鎮之劇置
本路駐泊馬步軍都部署以下兵官以州為治所
統定保深祁廣信安肅順安永寧八州軍本路置
州兵及朝廷遣禁旋更戍外又領鄉軍義勇總五
十八指揮凡二萬八千三百四十八人咸隸之

北平軍治北平縣秦曲逆縣地後魏改名北平本朝建

砦築城控安陽州四望口一帶山路至蔚州界給
軍滿萬人斷西山之路東至保州五十里西至北
平軍城砦南至定州九十里西北安陽川口三十
里北至易州界狼山砦九十里國初孫行友咸平
中荆嗣輩嘗領是職慶厯初建軍使兼都監知縣
事東至保州五十里南至定州九十里西龍泉鎮
六十里北至易州界狼山砦九十里西北至安陽
川口三十里

砦鋪二十六所

魚臺口鋪 北至界首桑乾河一十里北至北界新起
團標約一里東至保州界柏山口鋪二十里南至
北平軍三十里東南至驢馬嶺約二十里惟通單
騎西南合入安陽口十五里西南至道務村五里
道務村西南至安陽口一十里東南闊約二百五
十步耆老言賊馬多于此出入易州未陷時皆驛
路也魚臺口闊約半里

四望口鋪 北至界首乾河二十里北至北界一十五里契丹新建一砦東至魚臺口約二十里至安陽口十里西至捉馬口三十里東南至軍約四十里口甚狹惟通單騎兵吏巡丁共六十三人

捉馬口鋪 其口甚狹不通騎惟通人行北至界首灰嶺山二十五里次北界無鋪東至四望口三十里東南合入安陽關口四十里西至唐縣界白土口十里東南至本軍七十里兵吏巡丁共六十三人

欽定四庫全書

武經總要前集
卷十六上

四

安陽口鋪 東北合入魚臺口一十五里南至本軍三十里西北合入捉馬口四十里正北合入四望口一十里

魚鼻山口 在軍東北山嘴約二十里不通北界惟譏察商販而已

白崖砦 其上面平東西約一里南北長約一里半在軍西北四十里惟通人行內二十里居民常避寇于此

唐縣

西北至白土口鋪九十里西北至花塔子口鋪
約一百六十里西北至田常口鋪六十里西北至
鋸牙口鋪七十里西北至黃蛇口鋪約一百一十
里西北至下葦子鋪約一百一十五里西北至上
葦子鋪約一百三十里北至軍城砦黃蛇口鋪七
里東南至唐縣七十里西北至鶴神谷三十里鶴
神谷東北至銀坊城約四十五里北至唐河三十
里今移置鶴神谷口

白土口鋪 通單騎北至界首南道入谷五十里北至
契丹界無鋪正東落北至北平縣界捉馬口鋪約
十里北至花塔子鋪約二十里東南至本縣界九
十里西南至田常口鋪約二十里口西約五十步
有唐河西流水口北以界內河闊處五十七步狹
處三十步

花塔子鋪 鋪北山路闊處五七十步狹處一二十步
南至蕃服或作脈嶺約一十五里惟通行人今移至

周家庄北至界首石碑子約四十五里南至白土
口鋪二十里南至葛洪山約五十里西至馳茂山
川軍鋪三十里

田常口鋪 甚狹通人行北至界首約八十里北至契
丹界無鋪東北至白土口鋪約二十里南至唐縣
六十里西北至鋸牙口二十里北至唐河約二十
里西北至乾河口三十里乾河口西北至沙嶺子
一十里沙嶺子東北至銀坊城一十里今移置張

政庄

鋸牙口鋪 惟通人行北至界首約八十里北至契丹
界無鋪東北至白土口鋪二十里西南至東娘神
鋪二十五里東娘神嶽嶺分水為界約八十里北
至下葦子鋪約五里北至上葦子鋪約三十里北
至柳家谷北界石牆約五十里東北至黃蛇口鋪
約七里東北至北界石牆處十里北至銀坊城新
修砦七里

黃蛇口鋪 以北山路不通車騎北至界首石碑約八

十里北至契丹界邢妳砦約二十里東南至鋸牙

口鋪四十里西北至秦王嶺一十五里南至軍城

砦七里西至石門子鋪約三十里北至唐河三十

里今移置乾河口

下葦子鋪 北行山路惟通單騎西南至界首倒馬關

約八十里北至契丹界無鋪東北至黃蛇口約三

十里南至軍城砦約五里西至于家砦約二十里

上葦子鋪 北行山路惟通單騎吳兒口西北至界首
倒馬關約七十里北至契丹界無鋪西北至金公
神谷約五里西北至南嶺子一十五里

馳茂川鋪 本唐河官道闊處約一百步狹處約四十
步南道人谷至石道人谷約四十里南道人谷至
石碑子舊界二十里

軍城砦 東至東娘子神鋪約七里南至嫌薄山約十
五里西南至三會口約一十五里西北至于家砦

鋪一十三里西北至子鋪約一百三十里

于家砦鋪 西北至界首嶽嶺路約六十里北至契丹

界無鋪東至本砦約二十里南至三會口鋪約十

里西北至石門鋪約一十五里山路闊處一百步

狹處約十步自石門西北至界首約四十五里惟

通單騎

石門鋪 西北至界首嶽嶺路約四十五里北至契丹界

無鋪東至于家砦約十五里南至古道口約十里

西至舊磨谷約一十五里鋪西北至界首惟通單騎今移置夾耳安王谷

和家砦 北至界首嶽嶺路約八十里北至契丹界無鋪東北至軍城砦七十里東北至三會口約五十里東北至嶽嶺口鋪約三十五里東北至古道口鋪約三十里直東至龍泉鎮約六十里東南至曲陽縣約九十里曲陽縣至定州約六十里北至和家口鋪約七里直北落西至安王口鋪約一十五

里西北至板谷口鋪約十里西南至五柳口鋪約二十五里西南至北砦五柳口鋪約三十五里西南至北砦約五十五里至安王口鋪山路闊處約一百步狹處約一十步安王口鋪以北至界首約五十里山路惟通單騎至本砦管口鋪

三會口鋪 西北至界首嶽嶺路約七十里北至契丹界無鋪東北至軍城砦十五里東南至龍泉鋪約四十里西至嶽嶺口鋪約二十里北至軍城砦于

家口鋪一十三里鋪西北約二十五里到分壁嶺
山路闊處一百步狹處約一十步自分壁嶺以西
至界首二十里惟通單騎今移置柳家谷

嶽嶺口鋪 西北至界首嶽嶺路約五十里北至契丹
界無鋪東至三會口鋪三十里東南至龍泉鎮約
六十里西至古道口鋪約三里北至軍城砦石門
鋪約十里鋪西北約七八里至分壁嶺山路闊處
約一百步狹處約十步自分壁嶺西至界首約六

十里惟通單騎

古道口鋪 西北至界首嶽嶺路約四十里北至契丹
界無鋪東至嶽嶺口鋪約三里南至聞風山約五
里西至安王口鋪十五里鋪西北約五里至分壁
嶺山路闊處約一百步狹處約一十步自分壁嶺
山路以西界首約六十里惟通單騎今移置石臼
安王口鋪 北至界首嶽嶺路約五十里北至契丹界
無鋪東至古道口鋪約十里南至和家口鋪約八

里西北至輅轡谷約三十里鋪北山路惟通單騎
和家口鋪 北至界首嶽嶺路約八十里北至契丹界
無鋪東北至古道口鋪約二十五里南至和家砦
約七里北至安王口鋪約八里山路闊處約一百
步狹處約一十步自安王口鋪以至界首約五十
里惟通單騎今移在南山坡上

板谷口鋪 西北至界首破胡嶺約六十里北至契丹
界無鋪東至和家砦約十里南至五柳口鋪二十

里西南至北砦約六十里北至安王口鋪二十里西北約一十里至劉素庄山路闊處約一百步狹處約一十步自劉素庄西北至界首約四十五里惟通單騎今移在輅轡谷

五柳口鋪 西北至界首破胡嶺約九十里北至契丹界無鋪東南至曲陽縣約一百一十里南至沙河五里西至北林砦五柳口鋪五里北至板谷口鋪二十里西北約五十里至輅轡谷口山路闊處約

一百步狹處約一十步自輅轡谷西北至界首約三十里惟通單騎

保州治保塞縣舊莫州青苑縣地建隆初建保塞軍太平興國初建為州每戎馬南牧率師捍禦常為軍烽之冠今置保州廣信軍安肅軍緣邊至西山都巡檢使以保州為治所東至順安軍七十里南至定州一百二十里北至廣信軍四十里北至契丹狼山砦百里東北至安肅軍約四十里南至永寧

軍九十里西至北平軍七十里西北至柏山口鋪約六十五里

口鋪六

子口鋪 闊一里西北至界首赤嶺子約四里又西北至契丹訓口鋪約五里其鋪有蕃漢十人守把東南至保州約三十五里正東落北至廣信軍約三十里東北至廣信軍龍口鋪約七里西南至八角口鋪約十里有主客戶五十餘家

金史卷之八十二
卷之八十二
八角口鋪 即趙曠川口也川闊約六里西北至界首

赤嶺子約五里自界首東北至契丹訓口鋪約四里其鋪有蕃漢十人守把東南至保州約四十里南至跳山約六里東北至子口鋪約十里西至兩嶺口鋪五里川內有五村約二百家

兩嶺口鋪 西北至界首赤嶺子約五里自界首北至契丹魏家莊鋪五里有蕃漢十人守把東南至保州約四十五里東至八角口鋪五里西至狗號口

鋪一十里東至謁山村約五里凡兩嶺其南嶺闊九步北嶺闊一十五步

狗號口鋪 北至西界首赤嶺約五里北至契丹魏家庄鋪約七里其鋪有蕃漢十人守把東南至保州約五十五里東至兩嶺口鋪一十里西至白道口一里東至兩王村約十里嶺闊二十步

白道口鋪 至界首赤嶺約五里北至契丹魏家庄鋪約七里其鋪有蕃漢十人守把東南至保州五十

里東至狗號口鋪約一里西至柏山口約一十里
東至兩王村一十里嶺闊六十步

柏山口鋪 北至界首赤嶺約五里自界首北至魚臺
村鋪三里其鋪有蕃漢十人守把東南至保州約
六十五里東至白道口鋪一十里西至北平軍地
分魚臺口約二十一里柏山口鋪周迴有人戶約
五十餘家口闊五百二十步

廣信軍治遂城縣戰國時武遂縣地秦築長城所起因

名遂城本朝建軍東至安肅軍二十里西至長城
一十里南至安肅軍一十五里西南至北平軍約
九十里西至北易州七十里

砦鋪一十五

謝坊口鋪 北至當軍界十里界首北至契丹界闊臺
鋪七里東至安肅軍界王馬村鋪二里西至本軍
界二里西北至新河鋪二里

新河鋪 北至軍界首二十里界首東北至契丹界陳

村鋪五里東至謝坊口鋪二里西南至本軍一里
西南至張花村鋪二里

張花村鋪 北至本軍界三十里北至契丹新木村鋪
二里東至新河鋪二里東南至本軍一里西至許
家庄鋪二里

許家庄鋪 北至當軍界首二十里北至契丹界北城
村鋪三里東至張花村鋪二里東南至本軍三里
西至龐村鋪三里半

龐村鋪 北至界首一十八里界首北至契丹界孤山

村鋪三里東至許家庄鋪三里半東南至本軍六里半西至赤魯村鋪一里半

赤魯村鋪 北至界首一十七里界首北至契丹界太山鋪二里半東至龐村一里半東南至本軍八里西至廣門村鋪三里

廣門村鋪 北至界首一十五里北至契丹界無鋪東至赤魯村鋪三里西北至馬家庄鋪二里半

馬家庄鋪 北至界首一十三里無鋪東南至廣門村

鋪二里半東南至本軍一十三里半西北至長城

口鋪三里

長城口鋪 口闊一十步至界首一十里界首北至契

丹田珪庄鋪三里半東南至馬家庄鋪三里東南
至本軍一十六里半西至弁山鋪二里

弁山鋪村 山口闊九百步北至界首八里界首北至

契丹界田珪庄鋪三里東至長城口鋪二里東南

至本軍十八里半西至佛陽口鋪四里

佛陽口鋪 山口闊一百二十步北至界首約一十三

里界首北至契丹界荊口鋪一里東至弁山鋪四

里東南至本軍二十二里半西至圍道山鋪五里

圍道山鋪 山口闊一十步北至界首四里界首北至

契丹界樓山鋪三里東至佛陽口鋪五里東南至

本軍二十七里半西南至釜山村鋪四里

釜山村鋪 西至界首五里界首以北至契丹界無鋪

東北至圍道山鋪四里東南至本軍三十一里半
西南至黑山村鋪十里

黑山村鋪 山口闊三百二十步西至界首八里界首
以西契丹界無鋪東北至釜山村鋪一十里東至
軍約三十里西南至龍山村鋪六里半

龍山村鋪 山口闊六十步西至界首七里界首西至
契丹界無鋪東北至黑山村鋪六里半東至軍約
三十五里南至保州界五里半

安肅軍治安肅縣唐宥戎鎮周為梁門口砦太平興國
中建軍東至雄州八十里西至廣信軍二十里南
至保州四十里北至契丹界一十里東南至順安
軍四十五里西南至保州四十里東北至雄州二
十里西北至易州二十里

砦鋪二十六

間板口鋪 東南至順安軍界約一里半西北至軍約
三十五里北至順安軍界首約三十六里界首北

至契丹界無鋪

高公口鋪 東南至間板口鋪約二里西北至軍約三
十三里北至界首約三十四里界首北至契丹界
無鋪

李三口鋪 東南至高公口鋪約二里半西北至軍約
三十里半北至界首約三十里界首北至契丹界
無鋪

大商村大橋鋪 東南至李三口鋪約一里半西北至

軍約二十九里北至界首約三十二里界首北至契丹界無鋪

漢陽口鋪 東至大商村大橋鋪約三里半西北至軍約二十五里半北至界首約三十一里界首北至契丹界無鋪

千秋口鋪 東南至漢陽口鋪約一里半西北至軍約二十四里北至界首約三十里界首北至契丹界無鋪

萬年橋鋪 東南至千秋口鋪約二里半西北至軍約

二十一里半北至界首約二十八里界首北至契

丹無鋪

拗背鋪 東北至萬年橋鋪約二里西北至軍約一十

九里半北至界首約二十九里界首北至契丹界

無鋪

界渠鋪 東北至拗背鋪二里半西北至軍約一十七

里北至界首約二十八里半界首北至契丹界無

鋪

沙口大砦 東南至界渠鋪約一里半西北至軍一十五里半北至界首約二十八里界首北至契丹界無鋪

徐城口鋪 東至沙口砦約二里半西北至軍約一十三里北至界首約二十五里界首北至契丹界無鋪

楊家口鋪 東至徐城口鋪約二里半西北至軍約一

十里半北至界首約二十二里界首北至契丹渠頭鋪約四里半有契丹七人守把

菱角河橋鋪 東南至楊家口鋪二里半西北至軍約八里北至界首約二十二里界首北至契丹界無鋪

三义口鋪 東南至菱角河橋鋪約二里西北至軍約六里北至界首約二十一里界首北至契丹界無鋪

郭老鋪 東南至三义口鋪約二里西北至軍約四里

北至界首約二十一里界首北至契丹界無鋪

橋門鋪 東南至郭老鋪約一里半西至軍二里半北

至界首二十里界首北至契丹界無鋪

柳灣鋪 東南至橋門鋪約一里半西南至軍約二里

半北至界首二十里界首北至契丹固城鋪約二

里半有契丹五人守把

北橋門鋪 東至柳灣鋪約一里南至軍約一里半北

至界首約二十里界首西北至青塚鋪約二里有契丹五人守把

霸子口鋪 東至北橋門鋪約二里東南至軍約一里半北至界首一十八里界首北至契丹界無鋪

姜女廟鋪 東至霸子口鋪約一里半東至軍約三里北至界首約十八里界首北至契丹界無鋪

車道口鋪 東至姜女廟鋪約一里半東至軍約四里半北至界首約十九里界首北至契丹界無鋪

碾窩口鋪 東至車道口鋪約二里東至軍六里半北
至界首約二十里界首北至契丹界無鋪

辛家口鋪 東至碾窩口鋪約二里東至軍約八里半
北至界首約二十里界首北至契丹界無鋪

赤崖口鋪 東至辛家口鋪二里半東至軍約一十五
里北至界首約一十九里界首北至契丹界無鋪

王馬村砦 東至赤崖口鋪二里東至軍約一十三里
北至界首約一十九里界首北至契丹界無鋪

王馬村 係廣信軍兩界首鋪東至大砦約二里東至
軍約十五里北至界首約一十九里鋪西正屬廣
信軍界

順安軍治高陽縣舊瀛州屬邑本朝號為重鎮常屯重

兵與定州路兵馬犄角捍寇其地東至定州百二

十里西至井陘路至并州五百里

燕趙人謂山脊為陘今縣城控

其要害漢書曰井陘車
不得方軌騎不得成列

南至趙州百里北自西山

至蔚州四百九十里西南至平定軍三百二十里

今置真定府路駐泊馬步軍都部署以下兵官統
真定府磁相邢趙洺六州以府為治所本路置州
兵及朝廷遣禁旅更戍外又領鄉軍義勇一百十
八指揮凡四萬五千二十人

砦鋪八

北砦 東至定州一百八十里東南至真定府二百一
十里西至承天閣一百里西至代州三百五十里
東北至破河嶺約一百里東北至交牙川山嶺約

八十里北至箭筈嶺約一百里北至西鉄嶺約八
十里北至上竿嶺約八十里北至馬軍嶺約一百
三十里管七鋪

王柳口鋪 北至界首破河嶺約七十里界首北至契
丹界無鋪東至定州地分東北至東王柳口鋪約
三四里西至本砦三十里西北至黃家砦鋪三十
里南至丁家庄鋪約十五里出路闊處約一丈或
五尺狹處二尺惟通人行

黃家砦鋪 北至界首交牙川嶺約六十里以北至契

丹界倍泉砦約二十里東至王柳河約一十五里

西南至本砦二十五里東南至王柳口鋪約三十

里西至番眼嶺鋪約一十五里西北至薄岫神鋪

一十五里山路闊處三二十步狹處三兩步通人

騎

番眼嶺鋪 北至界首東鉄嶺約七十里以北至契丹

界下平砦約三十里東至黃家砦約一十五里東

北至薄岫神鋪約二十里南至北砦一十里西北至東曹谷鋪三十里山路惟通單騎行人

薄岫神鋪 北遶熊頭山北過至界首箭砦嶺約七十里以北至契丹界安保砦約二十里東南至黃家砦約十里南至北砦約三十里西南至三眼嶺鋪約二十里西北至東曹谷鋪約三十里界首山路闊處約一丈狹處三二尺惟通單騎

西曹谷鋪 北至界首上竿嶺約五十里以北至契丹

界首靈丘城約五十里東至冀州二百九十里西
北至冀州二百六十里

砦九

尼姑砦 東至鮫臍港鋪十里北至界首梁河

雙港砦 東至尼姑砦二十五里

三女鎮砦 東至雙港砦八里

葦場港砦 東至三女鎮砦二十里

小南河砦 東至葦場港砦一十八里

百萬渦砦 東至小南河砦三十里

沙渦砦 東至百萬渦砦十一里

獨流砦 東至沙渦砦一十二里

釣臺砦 南至乾寧軍六十里北至獨流砦六十里砦

城居其中沿御河一路獨有稻田務

乾寧軍治乾寧縣唐盧臺軍地控御河岸在滄霸二州

之境先為契丹割劇并為寧州周世宗收復關南

地因建軍

砦五

當城砦 東至獨流砦十五里北至渤海縣入平州路

李祥砦 東至當城砦二十五里

佛聖渦砦 東至李祥砦二十五里

狼城砦 東至佛聖渦砦一十四里

田家砦 東至狼城砦一十四里至契丹界首靈邱城

約五十里東南至北砦約三十里東至東曹谷鋪

約三十里西至龍渦庄二十五里山路通人馬騎

龍窩庄鋪 北至界首馬軍嶺約六十里又北至契丹
界鉄冶砦五十里東至西曹谷鋪二十里東南北
砦七十里至代州羊頭山七十里山路闊處約一
丈至七尺狹處三五尺惟通人騎

高陽關路

瀛州河間郡古燕之南境周世宗恢復土宗兩河之地

並至三關

霸益州關雄州九橋
關津瀛州高陽關

捍禦北狄分重兵

守之西與真定府州三路軍馬相為犄角其地東

至霸州百里西至永寧軍六十里南至永靜軍九
十里北至君子余至莫州百里東南至滄州百二
十里西南至深州四十五里今置高陽關路馬步
軍都部署以下兵官統瀛州莫雄霸涓冀滄永乾
寧信安十一州軍以州為治所本路置州兵及朝
廷遣禁旅更戍外又領鄉軍義勇七十七指揮四
萬二千五百八十人滄州橫海軍冀兗二州之域
齊趙二國之境地居九河下流

書兗州九河既道
水分九道悉在州

境

東距大海趨平州路北距界河下至幽陵東至
大海百八十里西至瀛州二百里南至德州二百
四十里北至乾寧軍九十里至幽州五百五十里
東北至海口二百三十里

太宗置唐興砦淳化中建為軍東至莫州六十里南至
瀛州一百一十里西至安肅軍三十里北至契丹
界易州二十里東北至雄州八十里東南至莫州
約七十里西南至保州七十里西南至安肅軍約

四十五里

砦鋪十五

順安砦 下至柳林鋪三里軍東路自順安砦至莫州
界二十六里凡一十一鋪

柳林鋪 下至新鋪二里

新鋪 下至祭頭鋪二里

祭頭鋪 下至向陽砦四里半

向陽砦 下至舊砦鋪一里

上新鋪 下至緒口鋪一里

緒口鋪 下至下新鋪三里

下新鋪 下至百易鋪三里

百易鋪 下至泥口鋪三里

泥口鋪 下至莫州地界一里

開事鋪 下至牙家港鋪約三里軍壯路自開事鋪至

安肅軍界約一十五里凡四鋪

牙家港鋪 至第二鋪約二里半

第二鋪 至馬村鋪二里半

馬村鋪 至安肅軍界約六里

真定府路

真定府常山郡古趙地也

信安軍舊幽州安次縣地古淤關口也周朝置砦戍守

太平興國中升為破虜軍至景德初改今名東至

獨流百二十里西至霸州六十里北界河

砦六

周河砦 東至信安軍五里

鹿角砦 東至周河砦六里

嘉澗砦 東至鹿角砦十里北至幽州永清縣

黎陽澗砦 東至嘉澗砦二里

雁頭砦 東至黎陽澗砦二里北至幽州香河縣

阿翁砦 東至雁頭砦六里

霸州治永清縣古上谷郡地北枕拒馬水即幽州之南

境舊號益津關周朝建為州滄州北控海口霸州

控莫州金口塘水不接及水勢淺狹可涉兵馬然
瀕海斤鹵地形沮洳東北近三百里野無所掠非
入寇之徑景德中以前滄州部署常兼都巡檢使
令省移置霸雄州路界河至海口都巡檢使以霸
州為治所海口北趨平州路限以界河朝夕有潮
水東自海岸西距塘泊其間葭葦蒙密徑路迂直
非鞍馬馳騁之利何承距曰自淘河至尼姑口屈
曲九百里天設險阻真地利也今治水戰之具蒙

衝闢艦走舸海鶻百餘隻治水師廣德懷順治禁
兵歲時講習淳化中兼護塘水緣邊滄霸州乾寧
軍自契丹界緣河增補巡徼軍曰忠順舊曰鄉丁
真宗建軍
額寶元初因補空闕又有增置緩急之備大為要
害矣東至信安軍六十里西至雄州九十里南至
保定軍三十里北至拒馬河至契丹界

砦十

劉家渦砦 東北至霸州四里

莫金口砦 東北至劉家渦砦四里

桃花砦 東至莫金口砦五里

父母砦 東至桃花砦五里

新垣砦 東至桃花砦六里北至幽州安次縣

紅城砦 東至新垣砦六里

七姑砦 東至紅城砦三里

大渦砦 東至七姑砦五里

雙柳東砦 東至大渦砦十里北至幽州固安縣

雙柳西砦 東至雙柳東砦十里

雄州治歸信縣本涿州瓦橋關在易州水東當九河之
末周收復三關此其一也地控幽薊故建為州至
淳化中創水田以捍戎馬走集今知州兼河北緣
邊安撫營田使東至霸州九十里西至順安軍八
十里南至莫州三十里北至白溝河三十里

砦四

木場砦 東至三橋子砦三里

張家砦 東至木場砦三里

王家砦 東至張家砦三里

向陽砦 東至馬村砦十八里

莫州治文安縣漢鄭縣唐景雲中分瀛州屬邑置州南

縣君子館路至瀛州百餘里北緣隄岸至雄州三

十里東至保定軍塘泊狹淺舊置部署以下兵官

屯兵滿萬人以護塘泊東至保定軍六十里北至

雄州三十里

塘水

一塘水東滄州界去海西岸黑龍港口西至乾寧軍泚
御河津其水東西百二十里南北九十里至一百
三十里深約五尺

一東起乾寧軍西信安軍御河西其水東西約一百二
十里南北約三十里至五十里深約丈餘至六七
尺

一東起信安軍御河西至霸州莫金口其水迂而直東

西約七十里南北約十五里至六里其深約六七尺

一東北起霸州莫金西南保定軍父母砦其水東西二十七里南北八里深六尺霸州至保定軍泚塘岸行其水最為淺狹至咸平景德頻年南牧霸州信安軍並胡馬歸路

一東南起保定軍西北雄州其水之東西約六十餘里南北約二十五里至十五里其深約丈餘至八九

尺

一東起雄州西至順德軍其水之東西約七十餘里南北約三十餘里至四十餘里深一丈有餘至六七

尺

一東起順安軍西邊胡淀至保州其水之東西約三十餘里南北約百五十餘里深約一丈有餘至二三

尺

一起安肅廣信軍之南保州西北以沈沔河聚為塘泊

南北二十里東西十餘里深五尺至三尺號沈汚泊至西山口約二十里

一自保州西鷄距泉向泉二水合成并方田稻田南北東西各十里深五尺至三尺號西塘泊

右塘之北畫河為界所以限南北謹障塞也初淳化中雄州何承矩制置緣邊屯田以大理丞黃懋充判官懋於河北大興作水田緣山導泉倍省工力以陂塘甚多引水溉田公私獲利因詔承矩領護之

發戍兵萬八千人給其役承矩於順安軍西開易河蒲口引水東注至海東西三百餘里南北五十里滋其陂澤築堤貯水為屯田以助要害捍蕃騎侵軼時多為將帥所阻云甲馬雄盛不宜示弱殊不知地利者兵之助也又順安至西山地跨數軍路遙百里縱有丘陵岡阜而多泉瀆因而廣之審地勢而制塘隄令滄州乾寧軍常督壕寨吏專視斗門水口旦夕候海潮至放水入御河東置堰

以益塘水由是順安瀕于海廣袤數百里悉為稻
田莞蒲蚌蛤民賴其利

太宗以為渠田之設制胡馬之長技又以安撫司專制
置緣邊浚陂塘築隄道為條式畫圖以付邊郡屯
田司東自尼姑海口地凡一百六十里西盡邊吳
泊凡歷七州軍近復據樞密使夏竦上言沿邊塘
泊自海而西至邊吳淀及安肅軍保州而西接西
山路闊一百餘里其間有鮑河曹河徐河呬喉泉

尚泉方順河安陽河唐河盡可堰截引水灌注以
為唐淀遂詔脩保州廣信安肅安永寧五州軍提
道依滙水之備惟跳山以西有壅水不可道處第

密種所宜樹木

祥符中緣邊官地所種榆柳三百萬餘真宗出圖以示輔臣曰可以

代鹿角

及開陷馬坑委州縣守宰主役此並中國戰

守之助也先是太宗時患北戎侵軼亦嘗置開方
田使以陷胡騎咸平中上封人孫士龍及靜戎軍
王能並言方田之利請置于北邊能請於軍城東

新河之北開之廣袤相去皆五尺深七尺狀若連

鎖

俗謂之解鐙

東西至順安威虜軍境仍以地圖來上

是日詔令靜戎順安威虜軍界皆置方田鑿河以
遏胡騎令保州廣信安肅軍境皆可設置與竦前
言陷馬坑類極邊賴之與塘水共為利也

論曰今北邊控扼之方中國形勢之地西自黑蘆口東
距滄海其間三百餘里中國得地者多匈奴得地者寡
何哉且自順安軍東至莫州六十里皆是川塹溝瀆葭

葦蒙蔽泉水縱橫此乃匈奴天牢之地也彼則不能馳
騁又東北至雄州三十里又東至霸州七十里又東至
海水口皆是營田隄岸隰水漸洳此乃匈奴天陷之地
也彼則不能騎射又自順安軍西至安肅軍約五十里
夾兩河之間草木茂盛此乃匈奴天羅之地也彼則不
能騎戰又西至廣信軍二十里夾二軍之間地多磽确
此乃匈奴天隙之地也彼則不能奔衝此中國得地利
之多也夫引弓之民恃其勁騎利在平地中國多步兵

利於險阻趙魏之北燕薊之南千里之間地平如砥兵法謂走不逐飛步不逐騎較然可知矣今北邊要害阻塘水之外自保州邊吳泊西距長城口廣袤五十里可以長驅深入乃中國與匈奴必爭之地自牟山至柏山凡路口十餘八角口尤闊幾二千步其餘千步泊二十步定州安陽口趨北山路嶽嶺北砦趨蔚州界石舊銀坊治山路並入寇之所此守邊之將所宜經略也若北馬南牧王師分入遼境牽制其勢則保州沿邊都巡檢

緣西山路入幽薊

咸平中出師大有擒獲

北平軍路部署出飛狐

口路入蔚州界東莫州路部署自白溝河入涿州界河

東麟府路軍司馬渡河入天德界咸平二年入五合川

破黃砦景德中有大山軍路入朔州界代州部署出西

經等山谷間入雲朔界

景德元年出軍甚有俘獲

岢嵐軍馬出草城

川路入朔州界此扼吭擣虛之策也北狄入侵又嘗詔

分兵三路以六千騎屯廣信軍將佐三員領之五千騎

屯保州將佐三員領之五千騎屯北平軍將佐三員領

之以抗賊鋒始至勿與鬪待其氣衰披城誘戰若其西
越保州與大軍遇則令廣信之師與保州兵會使腹背
受敵而乘便掩擊若其不攻定州縱軼南侵則復會北
平軍兵合勢入北界邀其輜重令雄霸州信安軍以來
互為應援又命將佐三員領兵八千屯永定軍又將佐
三員領軍五千屯邢州拒東西路戎寇將遁則令定州
大軍與三路合騎兵擊之又令將佐三員統兵一萬於
莫州候戎騎北去則西趨順安軍襲擊斷西山之路如


河冰已合賊由東路則令將佐三員領兵五千會莫州路東軍犄角攻之仍命上將一員將萬兵鎮大名以張軍勢

登州附見

登州古東牟郡漢黃縣也唐建州於蓬萊鎮即今治所也東西北三面距大海各五里一路至女真界揚帆一日一夜至馬石山按皇華四達記北渡海至馬石山五百里舊女真國今契丹界開寶年以前

女真內附產良馬通中國貿易詔登州大謝島人
戶等特免地租令許置舟船渡女真馬往來淳化
中契丹去海岸四百里建砦置兵三千女真朝貢
遂絕一路往三韓海行東北歷大謝鼉歌烏湖等
島約三百里又傍海岸歷青泥鋪桃花鋪杏花鋪
駱駝灣約八百里自其江口即新羅界東控高麗
諸國唐置東牟東萊二郡守悉兼守捉使本朝隸
京東路領水軍舫魚船入海戰艦數百教習水戰

知州兼海內戰掉都巡檢使



武經總要前集卷十六上

欽定四庫全書

子部

武經總要前集卷十六下

詳校官中書臣閔思毅

編修臣倉聖脈履勘

總校官知縣臣繆琪

校對官中書臣牛稔文

謄錄監生臣劉禮

欽定四庫全書

武經總要前集卷十六下

宋

曾公亮等 撰

邊防

北番地

燕京州軍十二關口

幽州四面州軍

西京州軍十一

雲州四面諸州

戎狄舊地

中京四面諸州

東京四面諸州

上京四面諸州

番界有名山川

奚 渤海 女真附

北番地里

契丹其先與奚異種同類俱為慕容氏所破竄于松漠之地後居和龍之北遼澤間遼澤去榆關一千一百里榆關去幽州七百里其地南接海東際遼河

西包冷陁北界松陁山川東西三千里唐置契丹
王兼松漠府都督光啓中中原多故北邊無備其
王欽德稍蠶食韃靼奚室韋之屬咸被驅役族帳
寢盛天祐末遂僭號欽德政衰別部酋長阿保機
彊大乃攻渤海扶餘城下之徙其人而盡有其
地又陷中國平營二州石晉有國割幽薊瀛漠涿
檀順新媯儒武雲應寰朔蔚十六州賂之周世宗
復收瀛漠本朝陷易州今契丹盡有奚韃靼室韋

渤海扶餘及中國十八州而據其地武豐州舊在朔中朝廷置吏領之今亦陷其國東南界新羅熟女真東際生女真東北控黑水靺鞨西抵夏國西南距河東岢嵐火山寧化軍代忻并州南濱真定州西山界洎保雄滄州東南泛海至京東登萊州燕京州軍十二

中原舊地幽州古冀北之地舜置幽州東有朝鮮遼東北有樓煩白檀西有雲中九原南有滹沱易州唐

置范陽節度臨制奚契丹理幽州自石晉割賂戎
主建為南京又改燕京東至符家口三百九十里
正東微北至松亭關四百五十里西至中山口百
里正西微北至居庸關一百一十里東北至中京
出北門過古長城至望京四十里又過溫餘河大
厦陂五十里至順州東北過白璵河七十里至檀
州自此漸入山五十里至金溝淀入山屈曲無復
里堠過朝鮮河九十里北至古河口兩傍峻崖有

路僅容車軌八十里至新館過鵬窠嶺四十里至
卧如來館又七十里至柳河館過松亭嶺七十里
至打造部落又東南行五十里至牛山館八十里
至鹿兒峽館又九十里至鐵漿館自北塹山七十
里至富谷館又八十里至通天館又二十里至中
京南至雄州出南門渡盧孤河六十里至良鄉縣
又過琉璃河范水涿水至涿州共十里又七十里
至新城縣又四十里至白溝河渡河至雄州

關口

幽州四面平川無險阻可恃惟古北口以來據其要害
可設兵屯置堡砦唐范陽節度之地古北口松亭
關野狐門等路並立保障至今石壘基堞尚存有
入番之路十數

大林口 幽州正南東北至監治北至灤河石城縣西
北至符家口山路

符家口 幽州正東三百四十里正東至灤河即灤州

北至平州山路之西屬幽州東屬平州

松關亭 關東北五十里至灤河關城自幽州東趨營

平路甚平坦自古匈奴犯邊多由此路幽州東北
四百八十里北趨澤州路至中京四百五十里至
西平州薊州有櫃安燕氏二山口通車馬

古北口山 幽州正東二百七十里兩邊陡峻中有路
僅容車軌本范陽防扼奚契丹之所最為隘口

得勝口 山口在幽州正北山口盤道數層俗名思鄉

嶺南至檀州北至安州

宋王口 幽州北一百二十里居宋王山口之地屬山

後

曹王口 幽州微北一百二十里居曹王山口之北屬

山後

居庸關 幽州西北一百二十里關之西北二十里即

居庸關山一路西至媯州一路北至儒州

牛山口 在幽州西

紫荆嶺口 幽州西南二百里嶺口之南屬易州北即
山後蔚州界

幽州四面州軍

涿州古涿鹿之野軒轅皇帝戰蚩尤之地漢高祖置涿
州郡隋煬帝伐遼開永濟渠二千里泛龍舟通涿
州是也新城即古督郵亭之地州之北有涿水范
水琉璃河入幽州界南至漠州一百二十里東北
至水一百二十里

祁溝關 東北至涿州四十里西北至易州六十里

薊州漁陽郡隋置總管府唐開元中分漁陽玉田縣置
州東至平州三百里西至幽州二百一十里南至
海口百八十里北至廢長城寨二百三十五里東
南置平州一百八十里東北至盧龍戍一百里西
北至檀州二百七十里

檀州治密雲縣漢李廣弭節白檀是也隋置州為燕之
邊陲障塞唐置威武軍東至薊州二百一十里西

至幽州界北長城四十五里南至幽州五十五里
東北至長城障塞百里西北至媯州二百五十五
里

順州治懷柔縣唐開元中置東至薊州一百三十里南
至幽州九十里東北至檀州八十里

平塞軍在涿州西南北至易州四十里南至廣信軍四
十里

易州漢涿郡固安縣地隋為上谷郡唐武德中平竇建

德改為易州石晉割賂北主尋為定武軍節度孫
行友襲取之雍熙中再陷有駁牛山五迴嶺易水
徐水東牛欄二砦南北莫州百八十里廣信軍七
十里東北至幽州二百一十里西北至紫荊嶺一
百里趨飛狐口至蔚州三百八十里西南至定州
一百四十七里

灤州治義豐縣唐末劉守光據州叛暴虐尤甚營平之
地於中國為南海隔其民不得已歸於北虜會石

晉割賂燕薊易定帥王都盡驅其民入契丹因以
灤河為名以居之縣邑猶不改望都安喜之名東
北灤河按賈耽所說自薊州西北一百二十里至
鹽城把守又至渡灤河至盧龍鎮西至石城九十
里南至海一百二十里北至平州四十里

遼州古遼西北之地臨榆關在州東北五里先是平渤
海遷其民置州以居之仍名其邑曰遷民東至萊
州七十里西至潤州四十里南至海州三十里北

至利州四百五十里

潤州盧龍塞東北至遼東澤唐光啓中契丹有營平之
叛既討平遷其部落置州以居之取潤水為名東
至遼州四十里西至榆關四十里南至海三十里
北至中京五百五十里

平州盧龍郡漢屬遼西郡三國志曹公北伐烏桓田疇
從盧龍道引軍塹山堙谷五百里登白狼山即此
路隋置北平郡有長城臨渝宮碣石有玄水盧水

沮水潤水龍泉水灤河又有黃洛水今有羊洛城

語訛也

西至冀州三百里南至海二百里北至上谷

口八十里東北至榆關守捉百九十里西北至盧

龍塞二百里

北安州後魏置安州築城在幽州之北正當松漠之地

契丹今建為北安州墨斗嶺牛山會仙石灤河柳

河皆在其境東北至中京二百五十里西南至北

口二百八十里南至幽州二百五十里西北至柳

河五十里

招賢州置州以渤海部落居之東小陵河西南至幽州
四百五十里南至潤州界北至澤州以上並幽州
四面州軍

西京州軍十一

雲州雲中郡平城白登山單于臺並在其境唐置大同
軍雍熙中王師北伐潘美楊業並出雲應路連拔
雲應寰朔四州師次桑乾河會曹彬班師遂不克

守遷四州民于內地今契丹偽號西京東取媯州
路至幽州七百里正西微北至單于都會府三百
里西北南至代州界一百五十里北至長城蕃界
三百里西南至并州七百里西北至黑山七百里
東北至陽河曲蕃三百四十里

雲州四面諸州

媯州媯川郡唐初置北燕州貞觀中改媯州取城中媯
水為名涿鹿山磨笄山版泉在焉石晉割賂契丹

周世宗時戎主避歸周之名改為克汗州東北至
儒州二百里西南至蔚州二百九十里東南至幽
州二百里西南至代州四百二十里東北至美女
關百里北至張說築長城九十里禦夷鎮後魏築
長城今契丹改為望雲縣按皇華四達記媯州北
一百四十里至廣邊鎮一名白城又東北五十里
至赤城又百七十里至鎮城陁山在鎮城西北即
奚契丹避暑之處今曰炭山

蔚州安邊郡有胡盧河即周禮并州溫夷川也漢塞飛
狐之口言其隘也有松子口即古之松徑嶺也本
朝田重進將兵北征牙將李存璋與契丹酋帥率
夷民空壁來降重兵無一兵一矢之損會幽陵不
守棄之東至易州三百二十里西至蔚州三百八
十里西至代州四百六十里賈耽曰西行一百九
十里至靈丘縣又二
百里至南至真定府五百里北至天池軍百八十
代州里東南至幽州五百里西南至亂柳關九十里

朔州漢馬邑城唐初置州西北二百四十里即單于臺
東北四十里至白登山桑乾河三合坡並在其境
本朝雍熙中王師北伐圍城節度副使趙希贊以
城降會曹彬班師尋棄之東至蔚州四百里西南
至黃河南至南界茂城川口四十里川口至岢嵐
軍三十里北至應州二百里東南至大山軍界六
十里西南至神武縣自縣至南界寧化軍二十五
里西北至雪山百六十里與岢嵐軍分界

新州治永興縣後唐同光中升為威塞軍節度以媯儒
武三州隸之契丹改為奉聖州東即桑乾河源所
出東至媯州九十里東南至幽州三百里西南至
蔚州百里南至雲州四百里

儒州治縉山縣唐隸河北道不知創州之由東至望雲
縣九十里東南至幽州二百五十里西至蔚州百
二十里西南至雲州九十里西北至九十九泉

武州治文德縣舊曰毅州長興中改為武州地有武川

石晉割賂胡中改為歸化州南至新州七十里

應州治金城縣後唐天成中建為彰德軍節度以寰州
隸焉本朝雍熙中潘美乘雲朔之捷兵至城下節
度副使艾正以城降東至雲州二百里西至黃河
南至朔州二百里北至崑源縣八十里

寰州治寰清縣本朝雍熙中大將潘美北伐出鴈門西
徑路與虜遇力戰至城下州將趙彥辛以城降會
幽陵不守棄之

振武軍單于府陰山之陽黃河之北漢遣固捍將軍公
孫敖築塞外受降城唐為振武節度使治東受降
城善陽嶺燕然山李陵臺竇憲銘在焉東南至幽
州一千二百里南至朔州三百五十里北至黑沙
磧石口七百里

安北都護府唐朔方軍與突厥以河為界北岸有佛雲
祠突厥將入寇先詣祠祭酹牧馬料兵而後渡河
張仁愿乘虛取之河北築城三所以佛雲祠為中

受降城與東西兩城相應皆據津濟開元中豐勝
二州界至都護府東南至東受降城二百里西南
至西受降城百八十里北至陰山八十里西北至
磧石口三百里

故豐州九原郡隋開皇中置豐州又云唐貞觀中平突
厥置州天寶中於木刺山置橫塞軍尋改為天德
軍郭子儀為之使仍兼九泉太守以歸附之衆置
都護府惟領蕃兵西受降城在州北河外九十里

戎狄舊地

中京舊鮮卑之地在饒樂府西南本奚王國牙帳之地
奚部落南距古北口北距潢水東即營州千餘里
皆其境土後為契丹所併景德中遼主築宮室城
垣建為中京偽造號大定府東至營州界青山嶺
一百七十里西即山後儒州界東南至建州二百
三十里南至幽州九百里

一路由松亭關
一路由古北口

北至上

京六百九十里正北八十里至臨都館又四十里

至宮室館又七十里至松亭館又七十里至崇信
館又九十里至廣寧館又五十里至桃砦館又五
十里至咸寧館又三十里渡漢石橋傍有饒州蓋
唐朝常於契丹至饒樂州又五十里至保和館又
七十里渡黑水河至宣化館又五十里至長泰館
西二十里即祖州又四十里至上京東微北至木
葉山五百一十里

中京四面諸州

澤州松亭關北遼澤之地東至利州百里北至中京百里西至北安州二百里南至平州二百五十里西至松亭關二百里

渝州隋臨渝宮之地北控營平歷代置關戍守今陷胡中置州東北海州西北至中京百七十里西至招遙州四十里

黔州遼主耶律德光初置東北至望海峰五十里東至顯州五十里東南至梁家務六十里北至間山縣

六十里

來州號歸德軍女真國五部落相率來降胡中因建州
以居之東至隰州七十里西至遼州七十里南至
大海四十里北至建州三百五十里

利州遼承天后所建東至建州百二十里東北至建州
百一十里西南至蘭州六十里南小陵河路至平
州五十五里西北中京百五十里

建州胡中地今號保靜軍節度本遼西之地德光立為

州嗣王即位

契丹號
穆宗

三關之地復為周世宗所取

時江南諸國欲牽制中原遣使齎金幣泛海至契丹國乞出師南牧卒不能用其謀入蕃人使舟棹水師悉留之建州雙州霸州並置營居之號通吳軍東南至器仗山三十里東北至霸州九十里南至渝州五十里西南至小陵河十里

興中府營州地漢末烏桓鮮卑所居唐平盧軍節度使治所今號興中府東至遼河三百里西至中京三

百里西南至建州六十里北至湟水四百里

舊契丹界

西北至松徑嶺百里

舊奚界

東南至安東都護府二

百七十里號平壤城東北至白川州七十里

新州本契丹國之地東至徽州二百里西至惠州一百

三十里南至霸州三百里北至永州三百七十里

白川州築城在遼澤之中東距醫巫閭山西至營州地

桑柘民知織絰之利歲奉中國幣帛多書白川州

稅戶所輸云東至黔州七十里西至中京四百三

十里東南至宜州百里西南至霸州七十里

宜州按皇華四達記營州東百八十里凡九遞至燕郡城自燕郡東經波羅寺抵渡遼州七十里驛至安東都護府約五百里今以契丹地圖校至東京五百二十里

東京即安東都護治所州城即古之燕郡城是也本遼西之地漢魏間烏桓鮮卑所據在營州之東契丹置崇儀軍節度舊有江南水軍號通吳軍置營居

之東醫巫閭山西至霸州二百里南至錦州九十里

北白川州遼州遼縣故地本朝天禧中契丹建為州仍
曰始平軍東至乾州百二十里西北至宜州四十
里南至海二百里北至中京五百五十里北至醫
巫閭山八十里

海北州古城也在遼河之西滄海之北阿保機建為州
東至錦州八十里南至海一百二十里西北至中

京五百三十里

暉州胡中呼為暉州祿州穆州並曰于越王城耶律遜
寧者遼中大將也蕃語謂之于越王不知創立之
因東至宗中西紫濛川南酒糟河北潢水祿州東
曼頭山西南暉州北夢送河穆州東醫巫閭山西
中京四百里南醫巫閭山岩北酒糟河

恩州德光所建本烏桓舊地南至中京六十里西至馬
孟山六十里西北曼頭山三十里山地至宜坤州

五十里西南至上京二百五十里北至高州百二十里

惠州阿保機所建在鮮卑之地本朝景德初契丹入寇河北德清軍失守俘虜人民於此置城居之城方二里之至低小城内瓦舍倉廩人多漢服東至新州百三十里西南至中京百二十里南至建州二百三十里北至漢水石橋至高州百五十里

高州契丹收新羅諸國俘虜人民置州以居之仍置倚

郭一縣以三韓為名南至中京北四十里東南至恩州五十里西北至饒州六十里

東京遼東安市城也城之東即大遼河城之西即小遼河秦屬遼東郡漢屬幽州唐太宗平高麗因名所幸山為駐驂山山在東北後為渤海國契丹建為遼州得其地為東京岳州在其東即李勣所平白岳州也皇華四達記曰自安東府東南至平壤城八百里西南至都里海口約六百里西北至建安

城約五百里正南微東至鴨綠江北泊約七百里
今以契丹地形圖參校惟建安城不知處所其他
地形遠近率同也東北至女真界約五百里西至
遼河百五十里又八百八十里至中京西六十里
至鶴柱館又九十里至遼水館又七十里至間山
館在醫巫閭山中又九十里至獨山館又六十里
至唐葉館又五十里至乾州微北六十里至楊家
砦又五十里至遼州北六十里至宜州又百里至

牛心山館在牛心山北中又六十里至霸州又七
十里至建安館五十里至富水會安至中京三驛
河各去七十里南至平州五十里自平州至幽州
五百五十里北至瀋州百二十里東南至鴨綠水
九十里西南至錦州四百里北至黃龍府九百里
西北至顯州三百里

東京四面諸州

瀋州德光所建仍曰昭德軍契丹舊地也東至大遼水

水東即女真界西南至東京一百三十里北至雙
州八十里

韓州在三韓之地本渤海西北邊之邑舊有三州契丹
併為韓州東北至女真界西至德州九十里西北
至遼河六十里南至通州八十里

同州阿保機所建仍曰鎮安軍契丹舊地東至生女真
界西南至東京二百里西北至雙州七十里東北
至集州七十里

耀州地控新羅界胡中要害之地東鴨綠江女真界西
大遼南石城北至東京百五十里

信州唐天后時置州以處契丹失活部落隸營州都督

明年遷于青山州安置今契丹建為彰勝軍東南

北三面至生女真界各三十里西至逆流河七十

里東南至長春州百二十里北至黑水河三十里

地有黃龍縣

古渤海之地今虜中號黃龍府
自云高祖射黃龍之所誇詞也

銀州阿保機所建女真國舊地東至逆流河五里入生

女真界西至雙州七十里南至東京三百里北至
渤海州六十里

雙州契丹號保安軍有通吳軍營壘東至逆流河二里
入生女真界西至遼州七十里南至瀋州七十里
北至渝州百二十里

貴州古城方二十里曹魏時公孫康所據城也漢樂浪
等地東南北皆生女真界西至瀋州八十里

顯州渤海國按皇華四達記唐天寶以前渤海國所都

顯州後為契丹所併又有集唐二州並撥屬本州
東至遼州九十里又三百九十里至東京西至宜
州百二十里南至乾州七里北至醫巫閭山

乾州在醫巫閭山之南古遼澤之地遼主景宗陵寢在
焉今置廣德軍節度兼山陵都署東至顯州八里
西南至銀野砦二十五里西至遼州六十里北至
兔兒橋四十里

宗州石熊山之陽管熊山一縣古遼東之地東遼水南

至顯州一百里北潢水

岳州本高麗所據之地唐太宗伐遼師次白岳城下因
之建為岳州今契丹置兵屯守州名不改東至女
真界百九十里東南至東京五十里南集州白雲
山縣

開州渤海古城也遼主東討新羅國都其城要害建為
州仍曰開遠軍西至來遠城一百二十里西南至
吉州七十里東南至石城六十里遼中庚戌年討

新羅國得要害地築城以守之即中國大中祥符三年也東至新羅興化鎮四十里南至海三十里西至保州四十里

保州渤海古城東控鴨綠江新羅國界仍置權場通互市之利東南至宣化軍四十里南至海五十里北至大陵河二十里

吉州三韓古城也契丹置兵防控新羅諸國東石城西南鴨綠江東至大鹽州百里西至海

鹽州三韓之地舊有城邑置兵防置新羅諸國又有小鹽州相去八十里東保州西至海南即海北小鹽

州

綿州遼西之地南至大海北距柳城阿保機建為州今號臨海軍東至顯州二百里西南至嚴州百七十里南至大海二十里北至宜州百二十里

嚴州柳城之南古遼西之地阿保機建為州東至錦州北七十里南至南四十里北至霸州二十里

隰州遼主隆緒建為州東至海二百里西至來州八十里南至海五里北至建州三百三十里

上京潢水之北東至遼河西包冷陁南與奚人部落相接距幽州千七百里本鮮卑之地居長姓大賀氏有八部唐貞觀中諸部咸請內屬乃置松漠府以居之賜姓李氏兼松漠都督至阿保機始私立年號稱大遼國建所居部落焉西樓有樓數間而已後燕人所教乃為城郭宮室之制邑屋門皆東向

如東帳之法至德光建為上京至臨潢府東至潢水二百一十里西南至饒州三百里西至鹽泊八十里

上京四面諸州

長春州契丹國舊地仍曰昭陽軍亦為罪譴者配隸之所北至黃龍府百里東北至龍化州四百里南至徽州三百五十里西至新州四百里西北至上京二百里

永州在木葉山之陽潢之北契丹國舊地也一路西北至鞏淀二百里一路西北至上京三百里

烏州本契丹國舊地為烏素部畜牧之所今建為州東南至羣鹿二十里東北至遂州地七十里北至鴨子河三十里

龍化州州在木葉山東千里阿保機始置四樓此即是東樓也會病卒葬于西南山即今祖州也以所卒之地置州曰龍化門化州也東至泉州二十里西

至降聖州五十里西南至蔚州四十里南至遂州
二百里北至夢送河五十里

降聖州契丹國舊地東遼河西野狐山東南至暉州三
十里南平頂山北至龍化州五十里

宜坤州契丹為啓聖軍節度即應天太后所生地也東
至長泊十五里西南至上京二百里北至踏弩河
二千里河北至大水泊五十里

祖州阿保機既創西樓又西南築一城以貯漢人今名

祖州在唐置饒樂府西北祖山之陽因為州名阿保機葬所也今號天成軍南至饒州百八十里北至上京四十里

懷州契丹號奉陵軍州將兼山陵都部署即遼主德光葬所也東南至中京三百五十里西至平地松林四十里北至潢河十里河北至上京百五十里西北門至韃靼國三百里

慶州契丹舊邑號黑河州置州在黑山之陽北至黑山

三十里即遼主隆緒墓所也近年改為慶州東自金河館至曼頭山西韃靼國界南至潢水二十里北至室韋國七百里東南至上京二百五十里

饒州唐建饒樂府都督以處奚人部落契丹建為饒州在潢水之北石橋傍以渤海人居之西南至平地松林百里南至中京五百里北至沱河十里東至上京三十里西北至祖州七十里

通州夫餘國在高句麗北本濊貊之地其國長城之北

西與鮮卑接地方二千里後為渤海國阿保機平之為東丹王國今改為通州仍名曰夫餘國

蕃界有名山川

陰山東南至雲州八百里秦始皇平天下北却匈奴築長城渡涿河以陰山為塞是也前漢侯應曰北境塞至遼東外有陰山東西千餘里草木茂盛多禽獸本冒頓單于依阻其中理作弓矢常出幽州為寇是其範圍也孝武力奪此地然後邊境少安長

老言匈奴失陰山之後過之未嘗不哭周隋間突厥復治陰山

炭山本匈奴避暑之處地多豐草掘丈餘即有堅冰賈耽所說媯州西北八十里至陁山即奚契丹避暑之處唐史載契丹之地西至冷陁是也今遼中目為炭山近更名雙山自幽州西北路清河館即居庸關鵬窠館赤城口始有居人望雲縣受賜州凡十日程至炭山

木葉山本阿保機葬處又云祭天之所離中京皆無館舍但宿穹帳將至山三十里始有居人瓦舍僧居又歷荆榛枯草復渡土河始至焉初阿保機強盛於木葉山置樓謂之南樓山北置樓謂之北樓大部落東千里置樓謂之東樓今上京置樓謂之西樓四時遊獵於四樓之間西至上京三百里南至中京五百一十里

長白山草木鳥獸盡白上有古城

曼頭山羌戎之地有曼頭山在甘肅界今北土亦有曼
頭山南距潢水契丹之地遼主避暑之處今更名
大安山渡踏弩河至大水泊南至中京東至宜坤
州西木葉山

鮮卑山柳城縣秦漢時鮮卑所保

醫巫閭山周禮曰東北曰幽州其山鎮曰醫巫閭山其
川曰奚養即遼東山也唐築巫閭守捉城契丹改
為閭州又置乾州顯州在山之南二州相去七里

首陽山古孤竹國之地伯夷叔齊孤竹君之二子餓死
首陽之下即此山也

碣石山地理志碣石山在北平驪城縣西南漢武帝登
之以望巨海而勒其石枕海有石如道數十里大
石如柱形世名天橋柱

十三山北醫巫閭山南距大海東至東京西至小遼水
狼山北黑山東祖州

駐蹕山在東京之東唐太宗駐蹕之所

墨斗嶺亦名慶雲嶺在德勝嶺之北百二十里唐置墨斗軍使禦捍奚界

鴨綠水高麗國西源出靺鞨國水色似鴨頭去遼東五百里高麗之中也此水最大波瀾清徹恃之以為天塹水闊三百步在平壤城西北四百五十里水東南二十里分界至新羅國興化鎮自黃土巖二十里西北至東京八百五十里南至海六十里

遼水在漢樂浪玄菟之地東西四百八十里水經云遼

水源出靺鞨國西南山南流會白滄水至安市城
今號東京小遼水源出小遼山西南流與天梁水
會在國西也

潢水出西北塞外不知發源之所水北即紫濛川有石
橋本契丹國田地

踏弩河源出木葉山東流入鴨子河在曼頭山北
易水源出涿郡故安縣東流過武遂西山范陽容城
桑乾河隰水源出鴈門東流與桑乾水會

馬邑川水出馬邑西東流至易州幽州東南隅東入于

海

拒馬河出代州郡廣昌縣漆山即漆水也有水二源俱

出深山過容城北東入于海

白馬淀秦起塞西自臨洮北臨沙漠即此也

金泊河唐開元中勝州置陽壽縣後改名金河今屬振

武隋大業中煬帝親巡沂金河而東北幸突厥啟

民帳是也泊東西二十里周圍十里上承紫河汊

濛水西流入河

長泊周圍二百里泊多野鵝鴨遼主射獵之所道出中
京之北四日程經榆林館饑烏館香山子館南北
即長泊北至上京八百里西至宜坤州十五里

九十九泉水經曰阻陽城東八十里有牧羊山山下有
九十九泉即滄海之上源也後魏多住九十九泉
遼主每南牧多聚謀于此南至雲州北至炭山

鴛鴦泊在狗泊西鹽泊東北西南至幽州千三百里南

至儒州佛峪嶺至泊八百里東南媯州搶杆嶺至
泊千里

清泉淀幽州西北清河館至清泉淀三日程

尼姑河水經曰尼姑河從塞外來一曰姑水出禦夷鎮
北九十里過漁陽南與溫餘水合為姑河今號尼
姑海口

大鹽泊周圍三百里東至上京一千五百里契丹中更
名廣濟湖遠中呼為麋到斯裊灤州東南亦有太

鹽泊小鹽泊高接漢界

小鹽泊周圍百里東至上京二千里契丹更名惠民湖
落黎泊東至炭山西至鹽泊南至退渾都落北至
狗泊

大水泊周圍三百里至上京五百里南至幽州千三百
里遼中呼為撒得裊一在曼頭山北西至木葉山
東至鴨子河

鴨子河在大水泊之東黃龍府之西是鴈鴨生育之處

放馬泊菑子中呼為招討放馬泊在天德之北

軒車泊周圍三千餘里南中京北上京

驢駒兒泊河源出塞外在契丹國西北契丹命齊王妃

撻覽捍韃靼即此也

狗泊西駕鵞泊北韃靼國界東南炭山

平地松林東至懷州四十里西南至幽州千七百里

紫濛川秦制三十六部北沙漠即紫濛川白馬淀是也

偽燕慕容廆世居北夷邑於紫濛之野元康中定

都大棘城在大漠之南唐營州節度張守珪破契丹出師次于紫濛川大閱軍實

奚 渤海 女真 始末附見

奚本匈奴別種牙帳在東湖之地酋長號王唐制兼饒樂府都部居陰涼川東至營州五百里西南至幽州九百里後徙居琵琶川在幽州東北數百里古北口之北天祐初契丹漸盛遂受制焉或徙居媯州依山而居之有東西奚之號今契丹盡取奚之

故地

渤海夫餘之別種本滅貊之地其國西與鮮卑接地方
三千里唐平高麗就平壤城置安東都護府統之
萬歲通天中契丹攻陷營州靺鞨酋人反據遼東
分王高麗之地渤海因保挹樓故地中宗封為渤
海郡王兼漢州都督天成初契丹阿保機兵力雄
盛東北諸蕃多臣屬之以渤海土地相接有吞併
之志攻其國夫餘城下之立長子突欲為東丹王

領兵守之

女真者渤海之別因辟契丹諱曰女直地多山林俗勇悍善射後有首領三十分領其種地多良馬本朝來貢方物建隆中詔登州沙門島人戶置舟楫濟渡女真馬往來淳化中契丹怒其朝貢中國去海岸四百里置三城以兵三千絕其貢獻之路今附契丹者為熟女真置一十八州

耀州

蟻州

海州

銅州

教州

崇州

廬州

興州

荊州

荷州

朝州

麓州

廣州

郢州

鐵州

定理州

懷北州

居於東京三面皆僑立州名民籍每州千戶至百戶
餘依山林不服從者謂之生女真



武經總要前集卷十六下

欽定四庫全書

子部

武經總要前集卷十七上

詳校官中書臣閔思毅

編修臣倉聖脈覆勘

總校官知縣臣繆琪

校對官中書臣牛稔文

謄錄監生臣劉禮

欽定四庫全書

武經總要前集卷十七

宋 曾公亮等 撰

邊防

河東路 麟府路 廢壘

河東路

禹貢冀雍二州之域而冀州為多天文皆參之分春秋
晉地秦之太原河東上黨鴈門四郡皆其境其地東際

常山西控党項南盡晉絳北扼雲朔人生勁悍便於弓
馬逼近羌胡風俗使然今沿雍熙舊制鄉兵訓以戰射
又招募羌渾泊邊雜之師分據要害皆守方綏遠之畧
也

并州忻州寧化奇嵐軍路

并州古太原也唐置河東節度與朔方犄角以禦北狄
統天成大同橫野奇嵐軍五代為劉氏竊據本朝
降劉繼元始平河東移州治三交東至真定府五

百里西至石州三百九十里南至潞州四百五十
里北至忻州一百八十里地近胡戎其俗尚武為
天下雄鎮今置馬步軍都部署以下兵官以州為
治其所統十五州軍并忻代三州寧化岢嵐二軍
督控契丹雲州朔州界雲中定襄句注四廬州草
城川鄰府二州守河外十數城嵐石隰三州北火
山保德二州軍緣黃河捍夏國綏州界本路置兵
及朝廷遣禁兵更戍外又領鄉軍義勇壹百陸拾

陸指揮叅萬貳千九百人

關砦四

赤塘關 關城控西北金山嶺一帶入定襄鴈門路當
川谷之口號為險固慶厯中再加版築為重複守
禦之地

天地關 關城控西北嵐石谷天設險阻慶厯中再加
脩築為重複守禦之地

石井砦 北控石嶺官路二砦相應接

楊興谷砦

西北控五臺山嶺連北界路

代州鴈門郡今置廣武城三面臨邊自古匈奴入寇之路號要害之郡忻州相應援置十三砦守之仍為沿邊安撫司治所東北至契丹應州界七十里東南至契丹蔚州五百九十里北至契丹朔州四百七十里三百里至姜女館五百十里至媯州

縣二

繁峙縣

在州東六十里敵樓戰具全代州地形號牛

角川繁峙崞縣二縣各屯戎兵以相掎角有谷路
三抵北界

崞縣 在州西五十里敵樓戰具全縣西舊有九河一
曰羌河二曰唐昌三曰馬墟四曰郛村五曰龍泉
六曰白泉七曰五里八曰軍坊九曰宇父淳化中
嘗浚之以捍狄人南牧西至朔州界陸蕃領四十
里南至忻州忻口砦六十里北至朔州界分水嶺
三十里

砦十三

凡沿邊十三砦起代州至忻州東西故三邊每砦各當
川谷之口控胡騎走集凡有谷路大小通契丹界
四十里

瓶形砦 距河三里北至梅迴砦十五里東北至契丹
靈丘縣界有谷路三至北界二通車騎一通行人
東南至契丹飛狐縣界

梅迴砦 距河三里北至麻谷砦八里東北至契丹蔚

州界有谷路三通車騎東至契丹靈邱縣界

麻谷砦 有井泉南至義興治砦六十里北至契丹蔚

州界有谷路三通車騎

義興砦 西北大石砦三十里東西至契丹蔚州界有

谷路三通車騎

大石砦 距河一里西至茹越砦六十里北至契丹界

有谷路車騎一通行人

茹越砦 距河二里西南至胡谷砦四十里北至契丹

應州界有谷路七三通車騎四通行人

胡谷砦 距河三里西至鴈門砦北至契丹應州界

鴈門砦 距河三里西至西隰砦北至契丹界有谷路

二濶五十步一纔通車騎

西隰砦 有井泉河水西至土燈砦七十里按河東記

契丹寰州句注在州西北三十里即西隰山也自

古匈奴入寇之路北至契丹平寇鎮谷路十二

通車騎二通行人

土燈砦 距河五里西至石鐵砦三十里北至契丹寨
州界有谷路三皆通行人

石鐵砦 西至陽武砦二十里北至契丹朔州界有谷
路一可濶十步

楊武砦 有井泉河水西至樓板砦三十里北至契丹
朔州界有谷路一通行人

樓板砦 有井泉河水西至雲中砦二十里北至契丹
界

忻州定襄郡治秀容縣後漢匈奴擾邊遂空定襄雲內
鴈門地建安中曹公招緝流散置郡因舊名唐為
忻州東至五臺縣百五十里西至嵐州二百四十
里南至并州一百四十里北至代州一百六十里
關一

石嶺關 太平興國中築在州南三十里山勢回抱號
為險阻路可行單車舊有關城控扼慶厯中關南
削山為城即烽火山南至控山口西連天澗地勢

險深可遏北敵南牧山東西溝澗四百餘步置開

方田

砦三

雲內砦 有井泉河水太平興國中築雲內谷口西至
徒合砦東至興州六十里北至契丹界

徒合砦 取河水三里東至忻州七十里北至契丹界
忻口砦 有泉水太平興國中築城北唐林縣居兩山
之口最為險要南至忻州五十里砦西即金山嶺

四盧川東西至寬平十七里胡騎入寇之路

又三受降城路自州北九十里入朔門西界又三十里

至朔門又三百四十里至單于都護府號振武軍

又西百二十里至東受降城又西二百里安北都

護府至受降城

在黃河北
拂雲堆上

又西二百里至天德軍

又西二百里至西受降城又三百里至鴈鶼泉

寧化軍本嵐州地偽漢劉崇置軍控西北至契丹界本

朝太平興國中改今名管安慶厯番兵二百人馬

二百匹東至徒合砦九十里至契丹朔州雲山分
界五十里南至憲州界六十里北至契丹朔門橫
嶺界六十里西北至朔州又百里東北至代州陽
武砦一百里西南至岢嵐軍界鰲鐵嶺四十里

砦二

窟谷砦城 居大川之口在軍城東南至大山軍

細腰砦 在軍城西至故長城下

石州昌化郡漢西河郡也後周為石州今因河為塞嵐

石隰三州西北至黃河緣河置城戍關度河外入
麟州路捍夏國界景德中置石隰路兵馬都部署
今合三州為一路置都巡檢使以下兵官以石州
為治所本路置州兵及朝廷遣戍外又領蕃捉生
一千六百二人東至汾水一百六十里西至綏州
一百四十里至定胡縣經孟門渡黃河二十五里
即綏州延福驛又八十里至綏州界分南至隰州
二百五十里北至嵐州二百三十里東北至并州

三百九十里

縣一

平夷縣 縣地形險固慶歷中再加修築為重複守禦之地

砦一

尅胡砦 砦城西濟河即綏州界南至保德軍天津界二十八里置鋪十二北至保德軍乳浪寨四十里置鋪二十三

隰州大寧郡漢河東郡也唐建州北控大河東至汾州
界一百六十里西至延州一百三十里南至磁州
界一百八十里西北至綏州三百五十里

關一

永和關 漢孤躡縣後周臨河郡也控索陁谷口關之
西七十里河即綏州界定仙嶺路上津十五里置
二鋪下津十五里置三鋪

鐵茄嶺路自伏落津濟河西入鐵茄平過古綏州汾無

定河川行入銀州北入夏州西入鹽州濟黃河即
銀州界西北入夏州鹽州地形平坦淳化中李繼
隆進軍入夏州至道中五路出師王超領兵過河
至烏白池即此路

嵐州樓煩郡漢汾陽郡地後魏置嵐州以境內岢嵐山
為名東至憲州四十里西至合河津二百三十里
南至石州二百三十里北至岢嵐界四十里至契
丹朔州共三百里東北至寧化軍界四十里至代

州共三百里西南至石州界六十里西北至岢嵐
界五十里以鹿鳴峽為界至契丹勝州共一百八
十里兼領三部族千人馬三百匹

津一

合河津 以蔚汾水西與黃河合因以為名砦城當一
川之口北渡河至麟州百二十里按黃華四達記
合河津關至麟州以黃河為界即唐時張說出師
之路一說過河三十五里至瓦浪又三十里至欄

竿嶺又五十里入麟州路甚平易

奇嵐軍治嵐谷縣在嵐州北百里隋大業中置奇嵐鎮
捍草城川賊路唐長壽中李迴秀奏置軍尋廢本
朝太平興國中再建軍仍別屯禁軍控河外麟府
一路西南至奇嵐州一百七十里東北至契丹朔
州百六十里至韓光嶺界五十里東至契丹朔州
雪山界六十里自分界至朔州各百里西至嵐州
合河縣百七十里

川谷城堡五

草城川 川口濶一里餘川中有古城景德中築長城
控扼賊路

嵯婆谷 胡谷 二谷地形甚狹北至契丹界

洪谷 唐乾符中沙陀部寇河東戰于洪谷即此地亦
匈奴入寇之處谷在軍東一十餘里有平路接契
丹界雲山容車騎之地

飛鳶堡 堡之北西即草城川洪谷嵯婆谷胡谷四路

至契丹界偽漢劉崇嘗建軍本朝慶厯中修葺重復險固以兵戍守

火山軍本嵐州地東控契丹界西接藏牙三族最為極邊偽漢劉崇置雄勇鎮居河上本朝太宗平晉陽始建軍於鎮西三十里改今名仍臨河置護水砦舊制別屯禁兵應接忻代一路緣沿邊城砦西至黃河七里東至契丹界七十里軍境河勢西流至保德軍界一百五十里北至契丹界一百二十三

里北至雄勇津七十里南西至府州五十里

津砦六

久浪津 南自雄勇津鎮至軍北至契丹靜寇鎮南自
擁場西南至黃河渡三里至河瀆堡

雄勇津 南至軍城東南至久浪津西渡河至石臺神
砦

偏頭砦 在軍城軍北一百二十里控韓光嶺偽漢天
會中築

欽定四庫全書

正德南馬前
卷十七

桔槔砦 在軍城東南五十里偽漢置西北濟河至府
州四十里

橫谷砦 在軍城東十五里雍熙中築

董家砦 在軍城北八十里雍熙中築

保德軍淳化中祈憲州地置定羌軍北濟河八里接府
州界最為衝要景德中改今名南至嵐州合河津
界一百里東至府州界五里西至府中界二十里
軍西白喬家會鋪二十里河勢南流至大堡津

津峇關六

大堡津 據一川之口在軍西南四十里去合河津七
十里置鋪七

天渾津 控一川之口西濟河即綏州界至定胡縣界
三十一里置鋪十八北至尅胡峇三十五里置鋪
三十

定胡縣峇 後周置定胡郡即今孟關縣城西河濟至
綏州延福縣其地險阻南至伏落津五十里置鋪

二十四北至天渾津四十四里置鋪二十

伏落津 西至河入故綏州界鐵茄平路至上平關土

荆河界二十八里置鋪十二

浮浪砦 在一川之口南至石州尅胡縣砦北渡黃河
至麟州神樹堡銀城砦牛欄川

上平關 關城隸石樓縣建隆中置以荆河為界山谷
阻深管三鋪通河北路自土門路即古之井陘口
通真定府定州咸平初契丹寇河北加兵防守黃

澤闕路遼川正控其要又加兵防守吳兒谷路潞
州界由川谷入邢洺磁州界

麟府路

府州党項羌故地河西蕃中一鎮也在大河之外折嗣
倫代為鎮將後唐莊宗有河朔以代北諸部屢為
邊患天佑中詔建為州改今名以扼蕃寇居下城

尋以契丹侵擾移州於留人堡

即今地

晉高祖起義

以契丹授之而立賂以雲中河西契丹欲徙其民

以實遼東析民保險拒之漢升為永安軍延勝振

武

振武朔州

忻州綠河五鎮隸焉東至火山軍四十里

西至麟州百四十里南至奇嵐軍百四十里北至

豐州百二十里東南濟河至火山軍桔槔砦四十

里東北至唐龍鎮百五十里今置麟府路軍馬司

以并代路鈐轄領之朝廷遣戍兵置州兵外又領

大路蕃漢義勇軍三千九百人

砦堡十五

清砦堡 東南至府州二十里西北至百勝砦二十里南至石梯子及赤土谷至黃河北橫陽河三十里

百勝砦 地名深泊塢城北控西界橫陽河賊路南至府州四十里北至青崗峽黃河東至宣威砦二十里西至石馬川

宣威砦 城控步陀溝路東南至黃河天橋子入火山軍路南至府州六十里東北至安豐砦龍門川西

至後河川

懷來堡 東至永寧堡西至三茨川南至清岩砦堡北
至寧府砦

安豐砦 舊號石臺神砦康定中陷豐州特築城以安
豐為名地接故豐州安輯蕃漢戶口兼控龍門川
入府州路南至府州七十里東至河濱堡十里即
雄勇津路西南至永寧砦十五里南至宣威砦四
十九里北至故豐州五十二里入受降城路西北

至鎮戎軍故砦五十里地名宜羅娥泊舊漢地

河瀕堡 城東控雄勇津一路東至黃河三里濟河即

雄勇津西至安豐砦十六里南至府州六十里北
自故盧子砦白家津入唐龍鎮

永寧堡 城控西北故豐州路東北至安豐砦十五里
西北至寧府砦二十八里南至府州五十七里北
至桔槔峯黑榆林賊路

寧府堡 東至永寧堡二十九里西至三茭河南至府

州七十二里北至故寧遠砦三十里西至橫陽河
川百里

西安堡 控三茭川一帶賊路東至寧府砦二十里西
至靖化堡十四里南至府州六十里北至故來遠
砦暖泉峯賊路

靖化堡 東至西安堡十四里西至建寧砦三十七里
南至府州五十七里西北至兔毛川

金城堡 北控後河川乾谷南至黃河沙谷津東至府

州五里西北至乾谷川路南至黃河北至兔毛川
麟州治新秦古白翟地漢武帝徙貧民實之謂之新秦
後赫連勃勃有之唐党項叛并州都督張說掩擊
大破之招集流散秦置麟州乾德元年遷於吳兒
堡卽今城也地形依險三面孤絕城中少水今為
鎮西軍節度東西至府州百四十里西南至夏州
五百里南至銀州三百里北至豐州一百三十里
東南至合津河百二十里西北至夏州谷離鎮百

二十里

砦堡十二

橫陽堡 天祐中置北控橫陽河一帶賊路東至府州
靖化堡八十五里西至西界不和市我友谷南至
故連谷縣北至橫陽河

臨塞堡 東至鎮川堡三十里西至故連谷縣路西界
大橫水谷約六里南至州十三里北至橫陽堡八
里

靜羌堡 控兔毛川一帶賊路東南至建寧砦十七里
西至鎮州堡十二里至州三十八里南至黃河沒
遮川百里北至西界

鎮川堡 居兔毛川西嶺上景德以前歲運麟州芻糧
下營堡防援即此地今設城堡扼塞嶺三松木一
帶敵騎侵寇東至靜羌堡十三里西至鎮川堡十
三里南至橫戎堡二十五里北至橫陽河

建寧砦 控張師嶺一帶戎馬來路康定中賊陷寧遠

砦特築城賜今名東至府州中侯砦十二里西至
麟州五十里東北至府州靜化堡北至靜羌堡十
七里

神堂堡 即麟州舊城也咸平中廢慶厯中修復東至
大堡津一百里西至故麟州南至銀城砦四十里
北至建寧砦五十里

橫戎堡 廢砦也地控橫陽川賊路慶厯中重修東至
神堂砦十五里西控窟野河西界梁版谷南至神

堂堡十五里北至麟州十五里西至白草平賊路
通津堡 築城控合河津路東至石馬川路南至黃河
一百步西至神樹堡四十五里北至府州一百十
里

神樹堡 麟州舊砦也咸平中廢慶厯中修復東南至
通津堡西至西界南至黃河十里即合河津路

肅定堡 地名清水谷南至神樹砦二十里北至銀城
砦二十五里

銀城砦 即麟州廢縣慶厯中始築為砦西扼賊路西

接西界榆平嶺三十五里南至通津堡五十五里
北至惠寧堡三十五里

惠寧堡 西控泥多谷窟野河一帶賊路西北至麟州
南至銀城砦二十五里北至神樹砦二十里

窟野河路自麟州過河西入鹽州約七百里南至銀州
約三百里控窟野河一帶賊路西北至麟州南至
銀州以西則地勢平易可行大軍至道中五路出

師一將窟野河路

廢壘

豐州九原郡春秋戎狄之地接勝州界有藏牙三族并
在河北東隣契丹北接韃靼南即麟府東火山軍
界開寶初契丹僞立藏牙酋長王承美歸順因建
州就治郡事累陞為防禦州今陷于賊其地控子
河汭一帶蕃部東至火山軍西至橫陽川南至故
寧遠砦北至隔河藏牙族東南至府州

砦鎮二

濁輪砦 控合河路至道中以重兵戍守置濁輪砦部
署蕃戶三挨次一千五百帳徙于嵐石州給田居
之今陷于賊

唐龍鎮 舊遙隸并州景祐以前西北蕃部互市良馬
之所酋帥來氏世其職亦受契丹及夏國封爵東
南至火山軍久良津北至故勝州西北至柳川東
北至子河汭混波川今陷于賊

武經總要前集卷十七